



## Publicaziuns dalla vischnaunca, jamna 9

### Damondas da baghegiar

#### 2017-1009.000

##### Datum dalla publicaziun: Ils 3 da mars 2017

Il patron: Vischnaunca Disentis/Mustér Via Cons 2, 7180 Disentis/Mustér  
Il representant: Biro d'inschignier Iso Mazzetta Via Lucmagn 7, 7180 Disentis/Mustér  
Object: Correctura dalla Via Acletta, parcelas 1657, 1654, 1335 e 1328, Via Acletta, 7180 Disentis/Mustér

#### 2017-1011.000

##### Datum dalla publicaziun: Ils 3 da mars 2017

Il patron: Bas Christiaan Eikens, Via Sursilvana 6, 7180 Disentis/Mustér  
Il representant: Coray Capaul architectura e habitar GmbH, Via Lucmagn 4, 7180 Disentis/Mustér  
Object: Construcziun da balcuns novs vid la casa e d'ina garascha nova cun spazzar la garascha existenta, parcella 925, Via Sursilvana 6, 7180 Disentis/Mustér

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 28 da fevrer 2017

*Uffeci da baghegiar Disentis/Mustér*

---

### Deponia da verd e caglias a Raveras

Dapi igl atun vargau ei vegniu constatau sin la deponia da rufids organics (fein, pastg, restonzas d'iert eav.) e caglias a Raveras ch'ei vegn deponiu cuntinuadamein tschendra ed auters rufids buca lubi sin la deponia.

La tschendra cuntegn meinsvart burnida ed effectuescha aschia adina puspei incendis sin la deponia. Nus supplichein la populaziun da setener vid igl uorden indicau e da desister da deponer materials buca lubi ni materials che san caschunar incendis ni auters donns.

*Suprastonza communal*

---

### Lenna da brisch

Damondas per lenna da brisch (**pégn ni fau**) ein da far en scret **entochen ils 13 d' avrel 2017** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér, ni per e-mail; [uaul@disentis.ch](mailto:uaul@disentis.ch). Per plascher indicar il sortiment giavischau (lenna sort ni lenna fendida/resgiada) ed il quantum. Sin giavisch vegn la lenna era furnida franco a casa.

*Uffeci forestal Disentis/Mustér*

---

### Vischnanca da Mustér GR –

#### Procedura ordinaria d'approvaziun dals plans tenor la legislaziun davart las viafiers

##### Exposiziun publica dals plans

*Project da la Viafier Matterhorn-Gottard:*

*Dumonda d'approvaziun dals plans per la construcziun d'in nov perrun, staziun Mumpé-Tujetsch*

**Petenta:** Viafier Matterhorn-Gottard, Bahnhofplatz 7, 3900 Brig



**Lieu:** Territori da la vischnanca da Mustér

**Object:** Staziun Mumpé-Tujetsch, construcziun d'in nov perrun

**Procedura:** La procedura sa drizza tenor ils art. 18 ss. da la lescha federala davart las viafiers (LViafier; CS 742.101) e tenor l'ordinaziun davart la procedura d'approvaziun dals plans per implants da viafier (OPIV; CS 742.142.1). L'autorità directiva per la procedura è l'uffizi federal da traffic (UFT).

**Exposiziun publica:** Dals documents da dumonda poi vegnir preni invista da venderdi, ils 3 da mars 2017, fin glindesdi, ils 3 d'avrigl 2017, durant las uras da biro ordinarias tar ils suandants posts:  
– administraziun communal da Mustér, Via Cons 2, 7180 Mustér  
– uffizi d'energia e da traffic dal Grischun, Rohanstrasse 5, 7000 Cuir

**Protestas:** Tgi ch'è partida tenor las prescripziuns da la lescha federala davart la procedura administrativa (LFPA; CS 172.021) u tenor la lescha federala d'expropriaziun (LExp; CS 711), po far protesta durant il temp d'exposiziun.

Las protestas ston vegnir inoltradas en scrit e cun motivaziun en dus exemplars a l'uffizi federal da traffic (UFT), secziun permissiuns II, 3003 Berna. Tgi che na fa betg protesta, è exclus da l'ulteriura procedura (art. 18f al. 1 LViafier).

**Expropriaziun:** Entaifer il temp d'exposiziun ston er vegnir fatgas valair tut las objecziuns dal dretg d'expropriaziun sco er dumondas d'indemnisaziun u da prestaziuns materialas (art. 18f al. 2 LViafier). Cuir, ils 3 da mars 2017

*Uffizi d'energia e da traffic dal Grischun  
Partiziun per il traffic*

---

## Invitaziun Seniors-ca

**Gievgia, ils 9 da mars 2017** dallas 14.00–16.00 en Puntreis.

### **Mia patria – autras isonzas**

Cun ina presentaziun da fotografias dad Yvette Riesen – in'egliada en sia patria Trinidad e Tobago

### **Meisa da miezdi organisada da Seniors-ca e Puntreis**

Entschatta: allas 12.15 en Puntreis. Gentar cun treis tratgas inclusiv 3 dl aua dalla spina ed in caffè per 15 francs. Annunzia entochen allas 9.00 dil di a Puntreis (tel. 081 929 56 56)

La meisa da miezdi ei aviarta per mintgin/a. Negin sforz da separticipar suenter all'occorrenza.

*Team Seniors-ca*

---

## Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donn cun mintga minuta spiarsa pli grond. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!

*Vos pumpiers Sursassiala*



### Der Journalist Peter Gysling im Forum Kloster Disentis

Am **Freitag, 10. März 2017**, um 20.30 Uhr spricht im Peter-Kaiser-Saal der Journalist Peter Gysling über das Thema: Hohe Hürden nach dem Zerfall der UdSSR – Blick nach Russland, in die Ukraine, in den Kaukasus und nach Zentralasien. Peter Gysling war von 2008–2015 in Moskau Korrespondent des Fernsehens SRF. Herzliche Einladung

*Kloster Disentis, P. Urban Affentranger*

---

### Vortrag: Berglandwirtschaft im Wandel

**Mittwoch, 15. März**, 20.15 Uhr Center sursilvan d'agricultura, Salaplauna Disentis

Die Berglandwirtschaft hat sich in den letzten Jahrzehnten stark verändert. Was bedeuten diese Veränderungen für die Landwirtschaftsbetriebe, die bewirtschafteten Flächen, den Arbeitsalltag der Bäuerinnen und Bauern und ihre Familien?

Rahel Wunderli hat Bäuerinnen und Bauern im Urserntal im Kanton Uri befragt und Archivmaterial ausgewertet. Die Historikerin berichtet in einem Vortrag von den Veränderungen in der Berglandwirtschaft und stellt ihr Buch «Berglandwirtschaft im Strukturwandel» vor. Eintritt frei, Kollekte.

---

### Frauenturnverein Disentis

Die nächsten Daten für das Line-Dance-Angebot einmal im Monat lauten wie folgt: **Donnerstag, 30. März** und **11. Mai 2017**, um 20 Uhr im Center da sport e cultura in Disentis. Wir laden alle Tanzbegeisterten ein, bei uns hereinzuschauen, Tel. 079 672 50 46.

---

### Uniun da gimnastica da dunnas Mustér

Las datas per nossa purschida LineDance inaga per meins ein **gievgia, ils 30 da mars** ed ils **11 da matg 2017**, allas 20.00 el Center da sport e cultura Mustér. Nus envidein tuttas interessadas pil sault. Vegni tier nus en halla da gimnastica, tel. 079 672 50 46.

*El num dalla uniun da gimnastica da dunnas Mustér*

---